

FARRIIN XUSUUSIN

KU SOCOTA: Guddiga Dugsiga

KA SOCOTA: Dr. Samuel DePina, Kuxigeenka Kormeeraha Guud, Howlgallada

OG: Kormeeraha Guud Mary Skipper
Monica Hogan, Kaaliyaha Kormeeraha Istaraatiijiyadda Xogta iyo Hirgelinta
Delavern Stanislaus, Agaasimaha Fulinta ee Gaadiidka
Daniel Rosengard, Kuxigeenka Agaasimaha ee Gaadiidka

TAARIKHDA: Arbaco, Janaayo 11, 2022

UJEEDDO: Warbixinta Golaha Dugsiyada Magaalo Weynta ee Gaadiidka

Caawa, Dr. Ray Hart, Agaasimaha Fulinta ee Golaha Dugsiyada Magaalo Weynta (CGCS), waxa uu soo koobi doonaa natiijooyinka iyo talooyinka ka soo baxay warbixinta CGCS ee Gaadiidka: "Dib u eegista Barnaamijka Gaadiidka Ardayga ee Dugsiyada Dadweynaha Boston." Warbixintan ayaa loo baahan yahay iyada oo qayb ka ah Qorshaha Hormarinta Nidaamka.

Bandhiggu waxa uu dabooli doonaa qaar ka mid ah qodobbada muhiimka ah iyo aaggaga talooyinka ka soo baxay CGCS. Talo soo jeedinta waxaa kamid ah:

1. Hirgelinta jadwalka gambaleel 3-heer ah oo joogto ah degmada oo dhan.
2. Cusbooneysiinta siyaasadaha iyo habraacyada iyo si joogta ah dib ugu eegista iyo cusbooneysiinta jidadka si kor loogu qaado ka faa'iideysiga raxanta gaadiidka.
3. Sii wadida isticmaalka hab nidaamsan si loogu abuuro looguna cusbooneysiyo jidadka basaska iyo meelaha joogsiyada basaska oo wax ku ool ah oo hufan iyada oo aan wax loo dhimin badbaadada.
4. Aqoonsashada iyo maaliyad ahaan u qeexidda fursadaha lagu dhimayo kharashaadka gaadiidka.
5. Naqshadeynta istaraatiijiyadda Waaxda Gaadiidka (DoT) ee lagula soconayo raacitaanka dhabta ah ee sanad dugsiyeedka oo dhan si adag si loogu aqoonsado meelaha joogsiyada, socodka, iyo jidadka la isku dari karo ama laga saari karo si loo kordhiyo awoodda ballaaran ee nidaamka.
6. Sameynta wada shaqeyn isku duuban oo lala yeesho nidaamyada dugsiga ee kabaxsan BPS kuwaas oo hela adeegyada gaadiidka si loo waafajiyo kalandarrada iyo jadwallada illaa xadka ugu badan ee suurogalka ah.
7. Xoojinta xakameynta maaliyadeed iyo maareynta gudaha.
8. Abuuritaanka guddi hoggaamiyeyaal ah oo ka socda DoT iyo Xafiiska Waxbarashada Gaarka ah (OSE) si ay uga arrinsadaan arrimaha khuseeya labada dhinac.



9. Bilaabidda dib u eegis dhammeystiran oo lagu sameeyo dhammaan hab-dhaqannada iyo hannaanka jidadka si loogu aqoonsado fursadaha lagu horumarinayo natiijooyinka marinnada iyo hufnaanta jidka.
10. Cusbooneysiinta iyo si buuxda u hirgelinta qorshaha ganacsi ee dhameystiran oo leh yoolalka, ujeedooyinka, halbeegyada, waxqabadka, isla xisaabtanka, iyo kharashaadka taageeraya qorshaha istiraatiijiyadeed ee degmada.
11. Abuuritaanka nidaam isgaarsiineed oo wax ku ool ah ee dhammaan ururka DoT.
12. Hirgelinta nidaam lagu dabagalo horumarka laguna cabbiro natiijooyinka dhammaan hindisayaasha.
13. Kula xisaabtanka bixiyaha gaadiidka ee soo socda tilmaamayaasha waxqabadka muhiimka ah ee kujira IFB-ga cusub ee wax ka qabta waxqabadka imaanshaha baska wakhtigii loogu talagalay si loo xaqiijiyo adeeg arday oo lagu kalsoonaan karo.
14. La shaqeynta mas'uuliyiinta magaalada si wax looga qabto wixii gaabis ah ee ku yimaada Heshiiska Gorgortanka Wadajirka ah.

Talooyinku waxa ay si ballaaran u galayaan saddex qeybood:

Hababka gaadiidka ee gudaha, shaqada siyaasadda, iyo xakameynta kharashaadka. Degmadu waxa ay shaqo ka bilowday aagagga sanadki lasoo dhaafay, waxa ayna ku dari doontaa talooyinka ka soo baxay Golaha Dugsiyada Magaalo Weynta:

- Hababka iyo habraacyada gaadiidka ee gudaha: In kasta oo ay waddo dheer naga horreyso, Waaxda Gaadiidka (DoT) waxa ay horumar la taaban karo ka sameysay dhinacan dhowrkii sano ee la soo dhaafay. DoT waxa ay leedahay kooxo u shaqeynaya si toddobaadle ah sanadka oo dhan iyada oo kooxda Meelaynta, Xafiiska Waxbarashada Gaarka ah, iyo Xafiiska Waxbarida iyo Tignoolajiyadda Macluumaadka ay diiradda saareen (1) dejinta iyo ilaalinta jadwallada iskaashiga iyo xog-wadaagista, (2) aqoonsashada iyo xallinta dhibaatooyinka, iyo (3) soo jeedinta talooyinka hagaajinta. DoT waxa ay hirgelisay hannaanka Dib u eegista Waxqabadka Billaha ah sanadki 2020 dhexdiisa iyadoo la adeegsanayo Transdev, bixiyaha baska ee hadda jira, si loo wado loona cabbiro hagaajinta adeegga. Ugu dambeynti, casuumaadda in loo Tartamo qandaraaska bixiyaha gaadiidka ee xiga waxa uu soo bandhigayaa habab bixiyaha lagula xisaabtamo isla markaana lagu waafajiyo dhiirrigelinta natiijooyinka ku saleysan ardayda. In kasta oo qandaraaska hadda jira uu muhiimad ahaan bixiyaha uusan lahayn wax halis dhaqaale ah, IFB-ga cusub waxa uu xaqiijinayaa bixiyaha soo socdo inuu "lug kuyeesho ciyaarta" iyada oo loo marayo isku dhaf dhiirrigelin waxqabad oo loogu talagalay waxqabadka la hagaajiyay iyo magdhabida degmada ee waxyeellada waxqabadki aan la qaban. Ugu dambeynti, waxaan horumar ka sameyneynaa aagga gaadiidka oo loogu talagalay ciyaaraha fudud iyo safarada booqashada ee goobaha lagu tago. Annaga oo la kaashaneyno waaxda Ciyaaraha Fudud, waxaan dib u eegis ku sameynay hababkeena, waxaan falanqeynay xogta kusaabsan safarada aanan la daboolin iyo baajimaha goor dambe/shaqada lagu daray si aan u sameyno horumar la bartilmaameedsaday, lana qaado dadaallo lagu horumarinayo jadwalka horumarsan ee kooxaha isboortiga iyo tababarayaasha. Intaa waxaa dheer, waxaanu sii wadnaa sahminta

suuro galnimada xalal kale (tusaale ahaan, iibsashada/kireysashada gawaarida caasiyada) si loo sii wanaajiyo ciyaaraha fudud iyo gaadiidka safarada booqashada ee goobaha lagu tago.

- **Shaqada siyaasadda:** Degmadu waxa ay u aragtaa fursadda ugu weyn sii wadida hagaajinta gaadiidka ee aaggan. Sida lagu muujiyey warbixinta, gaadiidka BPS waxa uu ku hawlgalaa duruufo adag oo gaar ah, oo ay hagaan wakhtiyada gambaleelka iyo siyaasadaha meeleynta dugsiga, siyaasadaha waxbarashada gaarka ah iyo koritaanka, iyo sidoo kale shuruudda ah in Gaadiidka BPS uu u hoggaansamo kalandarrada dugsiga aan ahayn BPS iyo jadwallada 105-ta dugsi ee aan ahayn BPS ee ay ardayda u qaadaan. Degmadu waxay shaqada ka bilowday gudaha iyo dugsiyada jaatarka si loo sameeyo talooyinka is waafajinta jadwallada dugsiga iyo sameynta kordhinta isbeddelada wakhtiga gambaleelka taas oo u dhaqaajin doonta BPS dhanka nidaam gambaleel oo saddex heer ah oo aad isku mid u ah, loona qeybiyey si siman si loo hagaajiyo hawlgallada gaadiidka, isla mar ahaantaana la yareynayo saameynta lana xaqiijinayo kaqeybgalka dugsiga iyo saamileyda bulshada. Hirgelinta wax ku oolka ah ee isbeddelada siyaasad kasta waxay u baahan doontaa kaqeybgal saamiley oo macno leh waxayna u baahan doontaa in lagu hago wada-hadallo waaweyn oo degmada iyo bulshada oo dhan ah oo ku saabsan sida aan u rabno inaan dib ugu milicsano BPS. Golaha Latalinta Gaadiidka ee dhawaan la sameeyey ayaa door muhiim ah ka ciyaari doona shaqadan. BPS waxaa ka go'an sameynta shaqadan iyo inay u sameyso sida sax ah.
- **Xakameynta kharashaadka:** Warbixintani waxay iftiimineysaa in Gaadiidka BPS uu leeyahay mid ka mid ah kharashaadka ugu sarreeya gaadiidka ee dalka, waxayna bixineysaa talooyin dhowr ah oo ku saabsan dabagalka wanaagsan, xakameynta, iyo yareynta kharashaadka si hantida loogu fasaxo dib u qaabeyn (tusaale ahaan, xalal tignoolaji oo dheeraad ah, yareynta dhererka safarka ee ardayda iyada oo lakala qeybinayo safarrada, iwm.). Iyadoo mudnaanta koowaad iyo tan ugu degdegsan ubaahan tahay inay noqoto horumarinta adeegga ardayda iyo qoysaska, BPS waxa ay sidoo kale ubaahan tahay inay xaqiijiso in qiimaha gaadiidka uu yahay mid wax ku ool ah. Degmadu waxa ay si dhowr dib u eegis ugu sameyn doontaa talooyinka xakameynta kharashaadka ee kujira warbixintan waxa ayna qaadi doontaa tallaabooyin ay ku hirgelineyso talooyinka saameynta ugu weyn ku yeelan doona hagaajinta natiijooyinka adeegyada gaadiidka.

Degmada waxaa si qoto dheer ooga go'an hagaajinta khibradda gaadiidka ee dhammaan ardayda iyo qoysaska BPS, waxa ayna qiimeyneysaa aragtida CGCS, talooyinka, iyo iskaashiga.

Soo jeedinta caawa ee CGCS waxay siin doontaa Guddiga Dugsiga fahamka talooyinkan ka yimid la hawlgale dibadda ah. Kooxda degmadu waxay ku soo bandhigi doontaa shirka dambe ee Guddiga Dugsiga ee ku saabsan shaqada hadda socota iyo qorshaha fulinta degmada ee talooyinka ku jira warbixinta.

Warbixinta iyo boggaga warbixinta waxaa loo gudbin doonaa DESE waxaana laga heli karaa webseedka BPS barta www.bostonpublicschools.org/strategicprogress.